

四部叢刊初編集部

王黃州小畜集

三十卷 附札記一卷

王黃州小畜集序

淳化二年歲在辛卯禹偁王

州團練副使

至道二年乙未歲

士黜守滁上得尚書工部

郎中明年十二月移知廣陵又明年三月

今上嗣位復以刑部郎中入西掖咸平二年守本官知齊

安郡年四十有六髮白目昏居常多病大懼沒世而名不

稱矣因閱平生所為文散失焚弃之外類而第之得三十

卷將名其集以周易筮之遇乾

乾下

之小畜

乾上

乾之象

曰君子以自強不息是禹偁修辭立誠守道行己之義也

小畜之象曰風行天上小畜君子以懿文德說者曰未能

行其施故可懿文而已是禹偁位不能行道文可以飾身

也集曰小畜不具然乎咸平三年十二月晦日太原王禹偁序

王黃州小畜集總目錄

士礼屋藏

第一卷

古賦

第二卷

律賦

第三卷

古調詩

第四卷

古調詩

第五卷

古調詩

第六卷

古詩

第七卷

律詩

第八卷

律詩

第九卷

律詩

第十卷

律詩

第十一卷

律詩

第十二卷

詩行

第十三卷

詩行

第十四卷

雜文

第十五卷

論

第十六卷

碑記

第十七卷

碑記

第十八卷

書

第十九卷

序

第二十卷

序

第二十一卷

表

第二十二卷

表

第二十三卷

表

第二十四卷

表

第二十五卷

牋啓

第二十六卷

擬試內制五題

凡四副

第二十七卷

擬試內制五題

凡四副

第二十八卷

碑誌

第二十九卷

碑誌

第三十卷

誌碣

王黃州小畜集總目錄終

王黃州小畜集卷第一



古賦

籍田賦



園陵犬賦

大閱賦

三黜賦

罔極賦

籍田賦 并序

臣謹按周制孟春之月天子親載耒耜躬耕
籍田所以事天地山川社稷先王醴酪粢盛
于是乎取之恭之至也自周德下衰禮文殘

缺故宣王之時有號公之諫秦皇定霸鮮克
 由禮漢祖隆興日不暇給孝景始復行焉昭
 帝弄田亦其義也後漢永平中明帝東巡耕
 于懷縣非古制焉魏氏親耕闕百官之禮蓋
 草創爾晉武太始之年略修墜典宋文元嘉
 之代亦舉舊章齊用丁亥之辰梁以建卯之
 月後魏北齊沿革有異隋朝唐室文物可觀
 太宗行之於前明皇繼之于後自茲已降廢
 而不行將煥先農必待真主皇家享國三十
 載陛下嗣統十四年武功以成文理以定乃
 下明詔耕于東郊百職悅隨三農知勸禮官

博士蹈舞而草儀甸師嗇夫謠詠而供職右
拾遺直史館王禹偁再拜而颺言曰耕籍之
義大矣哉千畝之田三推之禮所以教諸侯
而事上帝率人力而成歲功實邦國之彛章
皇王之大典昔潘安仁賦之于晉岑文本頌
之于唐今王道行矣王籍修矣神功帝業煥
其有光宜暢頌聲以播樂府謹上籍田賦一
章雖不足形容盛德亦小臣勤拳之至也其

詞曰

上四年兮帝業遐宣寰區晏然乃順考於古道將躬耕乎
藉田務本勸農稽前文而備矣事神教養舉墜典以行焉

萬國歡心而懌。百官供職以虔。草儀注于有司。議沿革于遺編。築壇墠之二陛。關阨陌之百廛。文物聲明合禮。經而有度。旌旗衣服應方色而不愆。既而屆孟春擇元日。太史先奏。天子將出。是月也。遭人徇路。星鳥中律。當東郊之迎春。是東作之平秩。皇帝于是即齋宮。辭帝室。戒錫鸞。嚴警蹕。乘青輅。以有威儀。朱紘而無逸。佩乎玉也。懸黎之色。蒼載其旂焉。干呂之雲鬱。屬車負播殖之器。後宮獻種稔之實。紅縻黛耜服。蔥韞以陸離。縹輶紺轅駕蒼龍。而飄歆太常之禮具。舉司農之屬。各率甸師。掌舍警御陌。以惟嚴。封人野廬設壇宮。而靡失于國之東。千官景從風。清塵而習。雨洒道以濛。時也。木德盛。陽氣充。春芒甲。

折青兮蔥＝春土脈起油＝而溶＝冠蓋蔽野珮環咽
風狀浮雲兮隨應龍旂幟張日車徒塞空若衆星兮環紫
宮修農事以惕＝襲春服之重＝爾乃配少皞祠先農尸
祝無媿豆邊以供太牢之牲薦之而肥脂太族之樂奏之
而舂容于是修帝籍勞聖躬撫御耨以無怠履游場而有
蹤將循乎千畝之制豈止乎數步之中耕鉤盾之弄田但
矜兒戲脩建康之春籍未煥農功有以見萬乘之尊三推
而舍或五或九隆殺之義有倫爾公爾侯貴賤之班相亞
嗇夫灑種以斯畢庶人終畝而告罷千耦其畊煥乎禮成
播百穀兮率人力訶載芟兮揚頌聲將見乎餘糧棲畝腐
粟如京神倉令納乎黍稷以備粢盛廩犧氏收其藁秸用

餉犧牲親畎畝兮化被重人天而教行自得訓農之實非
 貪慕古之名然後下青壇歸絳闕百姓知勸羣后咸謁在
 鎬之宴啓謠虞之音發獻萬壽兮懽呼奏九韶兮鏗越開
 三面以行惠宥五刑而慎罰恩流于孝弟力田德被于雕
 題辯髮興五土之利固必躬而必親同三代之風復不矜
 而不伐大矣哉藉田之禮豈三年而不為躬耕之義將百
 代而可知我所以舉久廢之禮定不刊之儀慮弗勤于四
 體將有害于三時務農桑兮為政本興禮節兮崇教資民
 乃力穡歲無阻饑神農斲木之功我其申矣后稷播時之
 利我得兼之供秬鬯以斯在介豐年而有期丕顯事天之
 禮誕謏祈社之詩祀山川兮神鑒明矣配祖考兮德馨遠

而永錫純嘏用光孝思乃作頌曰俾彼東郊公田是闢大
君戾止言耕其籍帝籍既脩乃及公侯親爾耒耜勤爾田
疇言采黍稷祀于圓丘億萬斯年以承天休又曰俾彼東
郊耕壇其崇大君戾止言訓其農農功既勗乃知榮辱爾
家以給爾人以足言奉粢嘗遍于比屋億萬斯年以介景
福

園陵犬賦

嘉彼御犬既良且馴蒙先朝之乃眷向皇宮而託身有警
蹕以皆從無越居而不親繡組飾以燁金鈴奮而振
飼以公庖彭澤之魚兮畜之土性西旅之獒兮詎得同倫
健逐天步慵眠地茵効珍比夫異獸供命等乎適臣若乃

風暖掖庭花繁禁禦扇挨錦翼之雉籠近雪衣之女入赭袍兮曳尾聞霓裳兮率舞循遠乎金塘徘徊乎瑤圃睨睨爐烟迨隨熾炬見觀書于乙夜聽求衣于未曙既無呖乎投籤每風興于曉鼓莫不默識聖心潛知天語備指顧以弗迷奉周旋而見撫第辰遊而夕嬉又安在乎逐麋而捕鼠彼宋徒之與韓盧又安得同羣而接武者哉嗟乎事變人天時移今古秦皇採藥島中之士未迴軒后鍊丹湖上之龍已去欠絨鼎以登仙對遺弓而戀主卧錦薦兮固安啗鮮食兮彌苦豐顛載減負重鉤而不勝病骨其羸求獎蓋于何所赫々顧命明々嗣皇念犬馬之微誠義存始卒微父母之所愛深增盡傷俾守園陵之地且殊盤瓠之鄉